



CONVENIO DE COLABORACIÓN ENTRE A CONSELLERÍA DO MEDIO RURAL E A ASOCIACIÓN NACIONAL DE CRIADORES DA RAZA RUBIA GALEGA (ACRUGA) PARA A REALIZACIÓN DUN PROGRAMA DE CONSOLIDACIÓN E DIVERSIFICACIÓN XENÉTICA DA RAZA RUBIA GALEGA, COFINANCIADO CO FONDO EUROPEO AGRÍCOLA DE DESENVOLVEMENTO RURAL (FEADER), NO MARCO DO PDR DE GALICIA 2014_2020.

En Santiago de Compostela, 27 de maio de 2016

REUNIDOS

A conselleira do Medio Rural actuando en nome e representación da Consellería do Medio Rural, en virtude das facultades que lle atribúe o artigo 34.1 da Lei 1/1983, do 22 de febreiro, reguladora da Xunta e da súa Presidencia.

O presidente de ACRUGA, actuando en nome e representación da Asociación Nacional de Criadores de Raza Rubia Galega (ACRUGA), na súa condición de Presidente.

Cada un intervén en función do seu cargo, no exercicio das facultades que para convir en nome das entidades que representan teñen conferidas, recoñecéndose mutua e respectiva competencia e capacidade suficiente para formalizar este Convenio de colaboración.

EXPOÑEN

Primeiro. Segundo o establecido no artigo 30.1.3 do Estatuto de Autonomía de Galicia, a Comunidade Autónoma de Galicia ten competencia exclusiva, de acordo coas bases e a ordenación da actuación económica xeral e a política monetaria do Estado, en materia de agricultura e gandería.

Segundo. Entre outras funcións, a Consellería do Medio Rural é competente no desenvolvemento das accións necesarias para a ordenación, fomento e control da produción gandeira, así como na planificación e execución dos programas de

conservación e fomento dos recursos zootécnicos autóctonos de Galicia, como se recolle no artigo 16.2. do Decreto 166/2015, do 13 de novembro, polo que se aproba a estrutura orgánica da Consellería do Medio Rural.

Terceiro. A Asociación Nacional de Criadores de Raza Rubia Galega (ACRUGA) é a entidade recoñecida polo Ministerio de Agricultura, Alimentación y Medio Ambiente para a xestión do libro xenealóxico da raza Rubia Galega e o desenvolvemento do seu Programa de Mellora (BOE 91 de 16 de abril de 2012), e como tal figura incluída no rexistro xeral de asociacións de razas puras.

Entre os fins da asociación están:

- A promoción, expansión e selección do gando vacún da Raza Rubia Galega, na Unión Europea e Países terceiros, velando pola súa pureza.
- A xestión do Libro Xenealóxico, Programas de selección e Controles de Rendementos da raza Rubia Galega.
- O establecemento dos criterios zootécnicos da Raza Rubia Galega: Libro Xenealóxico, Programas de selección, Controles de Rendementos e Calificación de exemplares.
- O desenvolvemento das funcións que lle sexan delegadas polas Administracións públicas, en defensa e promoción da raza.

Cuarto. As accións en materia de conservación de recursos zootécnicos planifícanse consonte as disposicións do Regulamento (CE) nº 1305/2013, do Parlamento Europeo e do Consello, de 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader, artigo 28. Agroambiente e Clima), e xestiónanse de conformidade co Regulamento (UE) 809/2014, da Comisión, do 17 de xullo de 2014, polo que se establecen disposicións de aplicación do regulamento (UE) 1306/2013 do Parlamento Europeo e do Consello no que se refire ao sistema integrado de xestión e control, as medidas de desenvolvemento rural e a condicionalidade. Están recollidas na Medida 10.2: conservación de recursos xenéticos na agricultura, do Programa de Desenvolvemento Rural de Galicia para o período 2014-2020, aprobado por Decisión de Execución da Comisión C (2015) 8144 do 18 de novembro de 2015, e máis concretamente encadradas na Submedida 10.21 do Programa de desenvolvemento rural de Galicia para o período 2014-2020, apoio á conservación e o uso e desenvolvemento sostibles dos recursos xenéticos na agricultura.

Os beneficiarios últimos das actuacións financiadas con este convenio son os gandeiros da raza Rubia Gallega, xa que as actuacións a realizar redundan no beneficio da raza e das posibilidades de mellora da mesma.

Quinto. A Lei 9/2007, do 13 de xuño, de subvencións de Galicia, prevé a concesión directa de subvencións cando se acrediten razóns de interese público, social ou económico. No mesmo senso exprésase o artigo 36.c, do Decreto 11/2009, do 8 de xaneiro, polo que se aproba o regulamento da lei. Por outra parte, o artigo 40.1 do mesmo decreto posibilita a concesión de subvencións directas mediante convenio, nos casos en que se acrediten razóns de interese público, social ou económico.

Sexto. Os recursos zootécnicos son insumos esenciais para a produción gandeira. A explotación sostible dos recursos autóctonos é unha actividade económica de especial relevancia naqueles contornos nos que a adaptación ao medio xeofísico resulta imprescindible para o mantemento da rendibilidade. A Rubia Galega é unha raza bovina autóctona de Galicia cuxo acervo xenético acumula unha parte imprescindible dos recursos zootécnicos autóctonos da nosa Comunidade Autónoma.

O programa de consolidación e diversificación da raza Rubia Galega, prevé a intensificación dos traballos de busca de reprodutores axeitados e a realización dos apareamentos correctivos co menor grao de consanguinidade posible para recuperar a variabilidade xenética da raza e apuntalar os seus parámetros produtivos característicos.

A pesar de estar considerada como unha raza autóctona de fomento polo seu censo e distribución xeográfica, os últimos datos oficiais indican que o seu censo tende á recesión; este feito vese agravado polo escaso número de sementais en activo dos que dispón a raza, xa que nestes intres ACRUGA conta soamente con 12 sementais probados en activo para inseminación artificial, os cales proceden de 10 liñas xenéticas diferentes.

A difícil situación socioeconómica nos últimos tempos no sector da gandería de carne, fixo necesario orientar os traballos de selección da raza cara a mellorar e potenciar as cualidades de produción cárnica da mesma. A consecuencia desto, o propio proceso selectivo levou a que unhas poucas liñas xenéticas aportaran a maioría dos individuos mellorantes, o que ocasionou un incremento da consanguinidade e unha perda de diversidade xenética, ademais dunha tendencia á uniformización de determinados rasgos fenotípicos que eran característicos e representativos da raza e que foron quedando relegados en favor doutros que eran meramente produtivos.

Estes dous feitos indican un perigo real de perda da variabilidade na raza que pode comprometer seriamente as posibilidades de mellora da mesma no futuro. Por elo, considerase que resulta necesario desenvolver un programa de diversificación xenética, no que o obxectivo sexa controlar o grao de consanguinidade e incrementar a base xenética da poboación na procura de novas liñas que sirvan de fonte para obter reprodutores.

Por outra banda, faise necesario incentivar o uso das novas tecnoloxías reprodutivas como a transferencia embrionaria e a fecundación “in vitro”, entre os gandeiros de Rubia Galega (pouco habituados a utilizalas), para maximizar a obtención de animais

mellorantes, polo que o seu emprego, sempre que sexa posible, dentro das actuacións do programa resulta conveniente.

As actuacións a desenvolver están recollidas especificamente no novo Programa de Desenvolvemento Rural de Galicia 2014-2020 que pretende fomentar o emprego dos recursos xenéticos autóctonos na gandería.

O desenvolvemento deste programa, só é posible coa participación de ACRUGA, como única entidade de Galicia que conta coa capacidade, persoal e medios para a realización do mesmo, por canto engloba a totalidade dos gandeiros con animais rexistrados da raza Rubia Galega. Nestas condicións o procedemento ordinario de concorrência competitiva na concesión de subvencións resulta improcedente, por canto a entidade destinataria resulta imprescindible para a xestión do programa.

Polo tanto, asumindo que a promoción de programas de conservación e fomento dos recursos zootécnicos autóctonos de Galicia reúne as condicións aludidas na lei e o regulamento de subvencións, enténdese a procedencia da sinatura dun Convenio de colaboración entre a Consellería do Medio Rural e ACRUGA para a realización dun Programa para a consolidación e diversificación xenética da raza Rubia Galega.

Sétimo. En virtude do anterior, e acreditado que ACRUGA cumpre cos requisitos establecidos para obter a condición de beneficiaria, segundo o artigo 10 da Lei 9/2007, do 13 de xuño, de subvencións de Galicia, ámbalas dúas partes acordan asinar o presente convenio de acordo coas seguintes:

CLÁUSULAS

PRIMEIRA. Obxecto

O obxecto deste convenio é establecer as condicións da colaboración entre a Consellería do Medio Rural e a Asociación Nacional de Criadores de Raza Rubia Galega (ACRUGA) para a realización dun Programa para a consolidación e diversificación xenética da raza Rubia Galega.

A finalidade do convenio se axusta aos fins e obxectivos de ACRUGA, obxectivos compartidos coa consellería do Medio Rural tal como se recolle nos expoñendos terceiro e segundo respectivamente.

SEGUNTA. Liñas de traballo

O Programa para a consolidación e diversificación xenética da raza Rubia Galega desenvolverase en dúas grandes liñas de actuación:

1. Obtención de descendentes machos co menor grao de consanguinidade posible sen perda do valor xenético.
2. Formación dun núcleo aberto de reprodutoras de elite, de liñas xenéticas diversificadas como proxenitoras con carácter de doadoras de embrións.

TERCEIRA. Criterios básicos de actuación

A execución do Programa pilotará sobre cinco criterios básicos de actuación:

1. Definición de apareamentos dirixidos.
2. Obxectividade na valoración de animais de acordo co estándar racial e os obxectivos de selección fixados.
3. Participación directa das ganderías de Rubia Galega.
4. Utilización de novas tecnoloxías para a obtención de animais, como mecanismo de mellora dos resultados reprodutivos.
5. Transparencia das actuacións.

A obtención dos animais para utilizar como reprodutores no programa seguirá un protocolo de actuación deseñado por ACRUGA, no que se respetarán os criterios básicos de actuación sinalados, e que responderá as necesidades das liñas de traballo sinaladas na cláusula segunda.

CUARTA. Compromisos de ACRUGA

ACRUGA comprométese a traballar nun programa de consolidación e diversificación xenética da raza bovina autóctona Rubia Galega.

ACRUGA asume as seguintes obrigas:

1. Destinar un técnico con titulación superior e formación en zootecnia con dedicación plena para coordinar e supervisar as actuacións do Programa desde ACRUGA, tanto administrativas como de campo.
2. Seleccionar e avaliar as femias da raza que mellor se adapten ás esixencias do programa.
3. Realizar os apareamentos correctivos oportunos, nos que se valorará a menor taxa de consanguinidade posible.
4. Establecer acordos coas ganderías colaboradoras que decidan atender a selección de animais proposta.



5. Empregar preferentemente, e cando sexa posible, as novas tecnoloxías reprodutivas (transferencia embrionario ET, fecundación “in vitro” FIV) como técnicas para a obtención de animais para o programa.
6. Asegurar a dispoñibilidade dun equipo veterinario de transferencia embrionaria responsable da obtención, xestión e implantación dos embrións do programa.
7. Constituír e manter un banco de embrións con animais da raza que reúnan as condicións sinaladas no convenio.
8. Seleccionar ás ganderías que aporten femias receptoras de embrións .
9. Avaliar aos animais nados dos cruces dirixidos en base aos controis mínimos necesarios de peso e valoración ao nacemento, deixando constancia documental da selección proposta e da súa xustificación.
10. Asumir na súa totalidade os custos derivados das analíticas e dos tratamentos realizados na obtención e implantación dos embrións do programa, así como da achega dos coidados facultativos necesarios aos machos en fase de valoración individual e de mantelos en axeitadas condicións de nutrición, hixiénicas e sanitarias.
11. Elaborar os informes das actividades realizadas no marco do programa, e descritos na cláusula décima.

QUINTA. Gastos financiáveis

A Consellería do Medio Rural non participa nas actividades nin dos resultados do presente convenio e financiará as actuacións do mesmo, realizadas por ACRUGA a partir da sinatura do convenio.

Achégase, no Anexo ao convenio, o cadro orzamentario coas actuacións a desenvolver por ACRUGA coa análise dos custos.

ACRUGA poderá contratar con terceiros a execución parcial das actuacións do convenio, para elo estará sometida ás obrigas establecidas nos apartados 3 e 4 do artigo 27 da Lei 9/2007 de subvencións de Galicia. Ademais, estará sometida ao recollido no Real decreto legislativo 3/2011, do 14 de novembro, polo que se aproba o texto refundido da Lei de contratos do sector público e tamén ao recollido no apartado relativo ás accións de mitigación establecidos co obxecto de minorar os riscos detectados nesta medida recollida no Programa de desenvolvemento Rural de Galicia para o período 2014_2020, :

1. Deste xeito, en todos os casos se esixirá, calquera que sexa a contía do gasto, a solicitude dun mínimo de tres ofertas a distintos provedores, con carácter previo á prestación do servizo ou á entrega do ben, agás que polas especiais características da actuación non exista no mercado suficiente número de entidades que as realicen, presten ou subministren. A escolla entre as ofertas, realizarase conforme criterios de eficiencia e economía, e deberá xustificarse



expresamente nunha memoria cando non recaia na proposta económica máis vantaxosa.

2. As ofertas detallarán con claridade os conceptos incluídos na proposta, económica e tecnicamente.
3. Ademais, de acordo co artigo 23.2 da Lei 14/2013, de racionalización do sector público, as empresas invitadas nos procedementos de contratación non poderán estar vinculadas entre elas. Esta vinculación apreciarase nos termos establecidos na lexislación de contratos do sector público. Ás empresas invitadas a presentar ofertas esixiráselles sempre unha declaración das empresas coas que teñan vinculación, nos termos establecidos no apartado anterior. No expediente deberá deixarse constancia das invitacións cursadas, das ofertas recibidas e das razóns para a súa aceptación ou rexeitamento.

Non obstante o anterior, con independencia do gasto subvencionable, nos gastos restantes haberá que contemplar igualmente un sistema de avaliación dos custos que permita á administración comprobar o valor de mercado dos gastos subvencionables: comparación de ofertas, prezos de mercado, cotizacións de mercados nacionais e estranxeiros, estimación por referencia aos valores recollidos en rexistros oficiais de carácter fiscal, ditame de peritos da administración, taxación pericial contraditoria e calquera outro medio de proba admitido en dereito.

O Imposto sobre o valor engadido, excepto cando non sexa recuperable conforme á lexislación nacional sobre IVE, non é financiable polo FEADER, tal e como se recolle no artigo 69.3 do Regulamento (UE) 1303/2013 do Parlamento Europeo e do Consello, do 17 de decembro de 2013. No caso de que o IVE poida ser subvencionable, os beneficiarios deberán presentar a xustificación documental de non suxeición ou exención do imposto emitida pola AEAT.

O convenio subscríbese no marco da Submedida 10.2 do Programa de desenvolvemento rural de Galicia, cofinanciado polo Fondo Europeo Agrícola de Desenvolvemento Rural (FEADER) cunha porcentaxe de financiamento do 75%, o 7,5% correspondería ao Ministerio de Agricultura, Alimentación e Medio Ambiente e o 17,50% restante á Xunta de Galicia. O financiamento das actuacións do presente convenio non é compatible con calquera outro que proveña de fondos comunitarios, pero si o podería ser con outros fondos públicos ou privados achegados para o efecto.

SEXTA. Xustificación

A data límite de xustificación e presentación de gastos e pagamentos será o 1 de decembro de cada ano. Con cada xustificación o beneficiario debe achegar unha certificación expedida polo secretario da entidade, co visto e praxe do seu presidente coa relación en detalle das actividades realizadas, acompañada dos xustificantes



orixinais dos gastos consecuentes no período de referencia e as transferencias bancarias dos pagos.

Toda xustificación virá acompañada dunha memoria económica (táboa de gastos segundo o esquema do anexo) en formato dixital; dunha memoria técnico - económica das actuacións realizadas, na que se identifique a finalidade elixible e contemplada no convenio de cada un dos gastos imputados, e dunha declaración do conxunto de todas as solicitudes efectuadas ou concedidas para o mesmo proxecto, das distintas administracións públicas competentes, ou calquera dos seus organismos, entes ou sociedades, así como doutros ingresos ou recursos que financien o proxecto.

Poderanse efectuar pagamentos a conta, pagamentos fraccionados que responderán ao ritmo de execución das accións subvencionadas, sempre de acordo co disposto no artigo 67 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, abonados por contía equivalente á xustificación presentada a conta da liquidación final. O importe do pagamento a conta poderá acadar ata o 80 % da contía anual adxudicada.

Non obstante, ACRUGA queda eximida de constituír garantías para efectuar estes pagamentos a conta, de acordo co disposto no artigo 67.4 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.

A consellería resérvase o dereito de solicitar toda a documentación que considere precisa en relación coas actividades realizadas no marco do convenio, incluíndo a relativa ao cumprimento dos requisitos de presentación de datos á autoridade de xestión e ao rexistro de realizacións e resultados.

As actuacións descritas no presente convenio, estarán sometidas a un sistema axeitado de avaliación de custos, con independencia do importe do gasto subvencionable. De acordo co establecido no artigo 48 do Regulamento de execución (UE) 809/2014 da Comisión, do 17 de xullo de 2014, no que se establecen disposicións relativas aos controis, os controis administrativos incluírán a comprobación por parte da unidade xestora do sistema empregado para a moderación de custos.

Os gastos deberán responder de xeito indubidable á natureza das actividades recollidas no presente convenio e desenvoltas por ACRUGA, incluídos os gastos de persoal e os medios loxísticos necesarios. De acordo co establecido no Programa de desenvolvemento rural, non se financiarán actividades no Programa marco da Comunidade Europea para accións de investigación, desenvolvemento tecnolóxico e demostración.

Os gastos ou investimentos realizados deberán acreditarse mediante a presentación dos xustificantes orixinais do gasto e as xustificacións bancarias que acrediten o seu

pago efectivo. As facturas presentaranse en orixinal, e marcaranse cun selo indicando nel a actuación para cuxa xustificación foron presentadas e se o importe do xustificante se imputa total ou parcialmente ao convenio indicando, neste último caso, a contía que resulte afectada polo mesmo.

Ademais, tendo en conta que entre as actuacións do convenio se recollen actuacións executadas con medios propios achegados por ACRUGA, concretamente man de obra propia remunerada, coa xustificación documental dos gastos e pago dos traballos executados cos medios propios, deben achegarse as nóminas correspondentes ao tempo dedicado por cada traballador á execución do traballo, certificando especificamente o emprego da porcentaxe de tempo que o traballador dedica ao proxecto, así como a documentación acreditativa do pago das nóminas, cargas sociais e retención de IRPF.

Si se utilizan medios materiais propios, o beneficiario poderá imputar ao proxecto, a parte proporcional que corresponda dos custos de amortización deses equipos ou materiais durante a vixencia do convenio, custos que deben calcularse de conformidade coas normas de contabilidade, debendo achegar a documentación acreditativa do sistema de cálculo utilizado.

SÉTIMA. Relacións laborais

A subscrición do convenio non supón relación laboral contractual ou de calquera outro tipo entre os profesionais e os empregados de ACRUGA que desenvolvan as actividades programadas e a Xunta de Galicia.

OITAVA. Comité técnico

Un Comité técnico presidido polo titular da Subdirección Xeral de Gandaría da Dirección Xeral de Gandaría, Agricultura e Industrias Agroalimentarias e integrado por dous funcionarios de dita subdirección, os Inspectores da raza Rubia Galega, o titular da Secretaría Executiva da Asociación Nacional de Criadores da Raza Rubia Galega (ACRUGA) e tres facultativos veterinarios con desempeño profesional en ACRUGA encargarase de avaliar as liñas de actuación do programa e os seus resultados. O comité poderá estar asistido por persoas expertas das entidades susceptibles de prestar colaboración ao programa. O comité reunirase a convocatoria da Presidencia, e como mínimo unha vez ao ano.

NOVENA. Comisión de seguimento

Para avaliar o desenvolvemento do convenio de colaboración poderase constituír unha comisión de seguimento, composta por un representante de cada institución asinante. Esta comisión encargárase, así mesmo, de establecer e definir criterios e pautas de actuación a seguir, así como de levar a coordinación, a supervisión técnica das accións previstas no convenio e os resultados acadados.

A Consellería do Medio Rural ostenta a prerrogativa da interpretación e resolución de cantas dúbidas e controversias xurdan na aplicación do convenio.

DÉCIMA. Informes

ACRUGA elaborará semestralmente un informe analítico das actividades realizadas no marco do convenio, e aqueles informes que a Consellería considere necesarios para a correcta avaliación do mesmo. Con carácter anual preparará un informe de síntese das actividades realizadas. No último ano da duración do convenio, o informe fará referencia ademais a un resumo global das actuacións realizadas.

Así mesmo o beneficiario ten a obriga de facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións de fiscalización e control do destino das subvencións.

UNDÉCIMA. Plan de controis

A execución das actividades realizadas por ACRUGA, obxecto do convenio, está suxeita ao plan de controis establecido, de acordo coas disposicións regulamentarias prescritas para os controis de fondos cofinanciados polo FEADER, que inclúen:

1. Un control administrativo de todas as solicitudes de pago e outras declaracións ou das operacións derivadas dos plans específicos que desenvolvan. Estes controis aplicaranse sobre todos os elementos de admisibilidade que sexa posible controlar por vía administrativa. Os procedementos empregados permitirán rexistrar os controis, os resultados das comprobacións e as medidas adoptadas en caso de discrepancias.
2. O número total de controis sobre o terreo de solicitudes de pago presentadas durante o ano natural representará polo menos o 5% do gasto financiado polo FEADER que aboa o organismo pagador cada ano natural sobre o total da submedida.

ACRUGA comprométese a colaborar na execución dos controis nos termos que se precisen. Igualmente, acepta someterse aos controis que legalmente procedan a cargo

da Intervención Xeral da Xunta de Galicia, do Consello de Contas, dos órganos comunitarios de inspección e do Servizo de Auditoría Interna do FOGGA.

Ademais, conforme o disposto no artigo 66.1 c) do Regulamento 1305/2013, a entidade levará un sistema de contabilidade separado ou ben un código contable axeitado para todas as transaccións relativas ás operacións relacionadas coas actuacións do convenio e que son financiadas con fondos FEADER.

Para unha correcta aplicación do recollido nesta cláusula atenderase ao disposto nas Circulares de coordinación ditadas polo Fondo Español de Garantía Agraria relativas á aplicación de reducións, sancións e exclusións, así como ao control das medidas de desenvolvemento rural non establecidas no sistema integrado do período 2014_2020.

DUODÉCIMA. Obriga de reintegro.

A entidade perceptora dos fondos, comprométese a cumprir as obrigas que como beneficiaria dunha subvención sinala o artigo 11 da Lei 9/2007 de subvencións de Galicia.

A entidade ten a obriga de reintegrar, total ou parcialmente, a achega percibida xunto cos xuros de demora que correspondan, nos supostos previstos no artigo 33 da Lei 9/2007 de subvencións de Galicia.

Conforme ao disposto no Artigo 7 do Regulamento (UE) 809/2014 da Comisión, do 17 de xullo, polo que se establecen disposicións de aplicación do regulamento (UE) 1306/2013 do Parlamento Europeo e do Consello no que se refire ao sistema integrado de xestión e control, as medidas de desenvolvemento rural e a condicionalidade, no caso de pago indebido, o beneficiario quedará obrigado a reintegrar o importe en cuestión, ao que se engadirán de ser o caso, os intereses calculados en función do tempo transcorrido entre a finalización do prazo de pago para o beneficiario indicado na orde de recuperación, que non poderá fixarse en máis de 60 días, e a data de reembolso ou dedución.

O tipo de xuro aplicable calcularase de acordo co Dereito nacional, pero non poderá ser inferior ao tipo de xuro aplicable á recuperación de importes en virtude das disposicións nacionais.

DÉCIMO TERCEIRA. Propiedade intelectual e publicidade

A propiedade intelectual dos traballos e dos datos obtidos no desenvolvemento do presente convenio pertencerá a ACRUGA.

ACRUGA poderá publicar datos e resultados parciais ou finais obxecto do presente convenio sen ningunha limitación. En calquera caso, a difusión de información relativa ao presente convenio deberá facer mención expresa a este.

Nos documentos e carteis executados en desenvolvemento do presente Convenio, faranse constar os símbolos de identidade corporativa das entidades intervenientes consonte co disposto no Decreto 409/2009, do 5 de novembro, polo que se aproba o uso dos elementos básicos da identidade corporativa da Xunta de Galicia.

Así mesmo, os beneficiarios deberán atender ao disposto no Anexo III do Regulamento de Execución (UE) 808/2014, da Comisión, do 17 de xullo de 2014, polo que se establecen disposicións de aplicación do Regulamento (UE) 1305/2013, do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Feader, concretamente ao recollido na *PARTE 1. Punto 2. Responsabilidades dos beneficiarios*, e na *PARTE 2: Características técnicas das actividades de información e publicidade*.

DÉCIMO CUARTA. Resolución

Son causas de resolución do presente convenio: o incumprimento total ou parcial dalgunhas das súas cláusulas, o transcurso do tempo estipulado sen que se culminen as actividades acordadas, e as modificacións das directrices de desenvolvemento sen contar coa previa autorización escrita da Consellería do Medio Rural.

DÉCIMO QUINTA. Autorizacións

ACRUGA autoriza á Consellería do Medio Rural, á obtención de forma directa da acreditación do cumprimento das súas obrigas tributarias coa Axencia Estatal da Administración Tributaria, coa Consellería competente en materia de Facenda da Xunta de Galicia e coa Tesouraría Xeral da Seguridade Social, a través de certificados telemáticos.

Así mesmo, presta o seu consentimento á Consellería do Medio Rural para incluír os datos relevantes referidos ao convenio, regulados polo Decreto 132/2006, do 27 de xullo, así como para publicalos no rexistro público de convenios da consellería competente en materia de administracións públicas, de acordo co artigo 15 da Lei 1/2016, do 18 de xaneiro, de transparencia e bo goberno.

De acordo co Artigo 71 do Regulamento (UE) 1305/2013, do Parlamento Europeo e do Consello, os beneficiarios de axudas no marco das medidas de desenvolvemento rural autorizarán expresamente ao órgano xestor para que este poida consultar toda a



información necesaria para poder realizar o seguimento e a avaliación do programa, en particular en relación co cumprimento de determinados obxectivos e prioridades.

DÉCIMO SEXTA. Natureza

Este convenio ten natureza administrativa e rexerase polas súas propias cláusulas. En todo o non sinalado estarase ao previsto na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro, polo que se aproba o regulamento da citada lei, así como o disposto nos Regulamentos (UE) 808/2014, e 809/2014 da Comisión, polos que se establecen as disposicións de aplicación dos Regulamentos (UE) 1305/2013 e (UE) 1306/2013, do Parlamento Europeo e do Consello.

A xurisdición contencioso - administrativa será a competente para entender os litixios que puideran xurdir.

DÉCIMO SETIMA. Vixencia do convenio e financiamento

O presente convenio, que producirá efectos dende a súa sinatura ata o 31 de decembro do 2019, asínase para o período 2016-2019, coa seguinte dotación máxima para cada unha das anualidades do convenio:

- 155.000 € para o ano 2016
- 155.000 € para o ano 2017
- 155.000 € para o ano 2018
- 155.000 € para o ano 2019

O Imposto sobre o valor engadido, excepto cando non sexa recuperable conforme á lexislación nacional sobre IVE, non é financiable polo FEADER, tal e como se recolle no artigo 69.3 do Regulamento (UE) 1303/2013 do Parlamento Europeo e do Consello, do 17 de decembro de 2013.

Calquera variación normativa que leve aparelados cambios respecto ao IVE dará lugar á modificación deste convenio a través da correspondente addenda. Os pagos efectuaranse con cargo á aplicación orzamentaria 13.03.713C.781.1.

DÉCIMO OITAVA. Programa, medida e prioridade.



As accións recollidas no presente convenio se subvencionan en virtude da Medida 10 Agroambiente e Clima, Submedida 10.2. Conservación de recursos xenéticos na agricultura, prioridade 4: “Restaurar, preservar e mellorar os ecosistemas relacionados coa agricultura e a silvicultura” do Programa de Desenvolvemento Rural de Galicia para o período 2014_2020, cofinanciado polo Feader.

E en proba de conformidade, asinan por triplicado o presente Convenio de Colaboración no lugar e data indicados no encabezamento.

Pola Consellería do Medio Rural

Por ACRUGA.

A conselleira do Medio Rural

O presidente

(Este convenio foi asinado de xeito manuscrito por ambas as dúas partes)



ANEXO

MECANISMOS DE MODERACIÓN DE CUSTOS

Tal e como se establece na Cláusula Sexta, as actuacións descritas no presente convenio, estarán sometidas a un sistema axeitado de avaliación de custos:

1. PERSOAL

O persoal propio da asociación está formado por técnicos superiores e persoal administrativo, os cales teñen unha dedicación parcial ao convenio distribuída do seguinte xeito:

- 1 Secretario executivo, supervisor do programa ao 30%
- 1 Técnico veterinario coordinador do programa ao 50%
- 2 Técnicos veterinarios de campo ao 50%
- 2 Administrativos ao 30%

Os técnicos participantes contarán con ampla experiencia e coñecementos demostrados no sector. As actuacións previstas a realizar polo persoal propio son as sinaladas no cadro de previsión que se achega. A asignación de custos ven determinada polo tempo de ocupación que dedican ao convenio, mentres que os importes dos salarios estímase segundo os convenios sectoriais.

2. XESTIÓN COAS GANDERIAS E INCORPORACION DE ANIMAIS PARA O PROGRAMA.

Os prezos unitarios por animal incorporado ao Programa, e os pagos compensatorios realizados aos gandeiros polo traballo realizado e os riscos asumidos, estímase segundo a seguinte relación:

- 100 € por animal nado de embrións do Programa que sexa inscrito no Rexistro de Nacementos da sección principal do Libro Xenealóxico.
- 300 € por xovenca nada de embrións e criada ata a idade de 9 meses considerada válida para o Programa.
- 1.500 € por macho procedente dun apareamento contratado e incorporado ao Centro de valoración individual de sementais.
- 300 € por femia sometida a un proceso de superovulación, co compromiso da cesión de 6 embrións a ACRUGA.
- 100 € por cada un dos embrións implantados do Programa.



3. GASTOS FACULTATIVOS

Os custes dos equipos externos empregados para os traballos de transferencia embrionaria, valoraranse atendendo aos custes de mercado e criterios de eficiencia e loxística, por tratarse de traballos de gran especificidade e cunha oferta no mercado moi reducida.

Para o resto dos gastos facultativos, necesarios para cubrir as necesidades de desenvolvemento das actuacións do convenio (analíticas, renting de vehículos, comunicacións, etc), o control de custos avaliarase en todos os casos mediante a comparativa de tres ofertas diferentes, as cales procederán en todos os casos de provedores acreditados e independentes. As ofertas serán detalladas e incluírán os mesmos elementos para facilitar a súa comparación. Consideraranse aquelas que ofrezan a mellor relación de calidade do servizo ou material, en relación co prezo das mesmas. No caso de non escoller a proposta económica máis vantaxosa deberán xustificarse expresamente nunha memoria as motivacións desta elección.

De acordo co establecido no artigo 48 do Regulamento de execución (UE) 809/2014 da Comisión, do 17 de xullo de 2014, no que se establecen disposicións relativas aos controis, os controis administrativos incluírán a comprobación por parte da unidade xestora do sistema empregado para a moderación de custos.

CADRO DE PREVISIÓN DE ACTUACIÓNS E CUSTOS ANUAIS

Os importes por concepto e tipo de gasto reflectidos no cadro corresponden a cálculos de custos estimados durante cada un dos catro anos de vixencia do convenio, que poderán ser obxecto de variacións no momento da xustificación das actuacións, en función das actividades desenvolvidas e os obxectivos acadados.

CONCEPTO	TIPO DE GASTO	IMPORTE
<u>1. PERSOAL TÉCNICO E ADMINISTRATIVO:</u> 1 Secretario executivo, supervisor do programa ao 30% 1 Técnico veterinario coordinador do programa ao 50% 2 técnicos veterinarios de campo ao 50% 2 administrativos ao 30%	- Deseño, elaboración e programación de actuacións. - Selección de machos e femias. - Avaliación morfolóxica, reprodutiva, funcional, da duración de xestacións e xenealóxica das femias. - Creación dos cuestionarios, documentos de traballo, interpretación de datos. - Cumprimentación das fichas técnicas - Realización dos apareamentos correctivos - Asistencia veterinaria. - Seguimento e supervisión das actuacións - Control no campo das valoracións - Selección e acordos coas ganderías colaboradoras - Realización de informes	65.000€
<u>2. XESTIÓN COAS GANDERIAS E INCOPORACIÓNS DE ANIMAIS</u>	- Superovulación de femias - Implantación de embrións - Incorporación de animais ao programa (gastos coas ganderías colaboradoras) - Recría de femias elite con compromiso de cesión de embrións - Pago animais para valoración individual	4.500 € 5.000 € 14.500 € 6.000 € 35.000 €
<u>3. GASTOS FACULTATIVOS</u>	- Probas analíticas. - Análises xenéticas. - Equipos externos de transferencia embrionaria (E.T.) - Desprazamentos do persoal técnico (rentings, combustible, etc) - Enerxía e comunicacións	2.000 € 500 € 18.000 € 3.000 € 1.500 €
TOTAL ESTIMADO		155.000€

